

朝鮮史料汇编



中国文献珍本丛书

朝鲜史料汇编 (二十)

全国图书馆文献缩微复制中心

中国文献珍本丛书

责任编辑 陈湛绮

朝鲜史料汇编 (全二十册)

编者	姜亚沙 经莉 陈湛绮
出版者	全国图书馆文献缩微复制中心 (北京文津街七号)
印刷者	临京古籍印装厂
发行者	新华书店北京发行所
印刷日期	二〇〇四年七月
印数	一一一五〇
定价	九二〇〇元

未经授权 不得翻印

朝鮮史略

朝鲜史料汇编目录（二十）

朝鲜史略	一
乾隆四十八年朝鲜国王咨文	五一三
朝鲜国王李琮上清宣宗（道光）表文	五二一
朝鲜国王李奂上清宣宗（道光）表文	五三三
朝鲜国王李昇上清文宗（咸丰）表文	五四一
朝鲜国王李昇上清穆宗（同治）谢表	五五三
朝鲜国王李熙上清穆宗（同治）谢表	五六七

朝鮮史略

朝鮮史略卷之一

檀君

東方初無君長

種夷有九

有神人降于太白山

今在

寧邊府即妙香山

檀木下國人立為君

唐堯二十五年戊辰

國號

朝鮮

在東表日出之地故曰朝鮮索隱曰以有山水故名

都平壤徙白岳

後入阿斯達山

今九

為神是為檀君

名王儉古紀云檀君

與堯並云至商武丁八年為神壽四千八百然權近應制詩曰傳世不知幾歷年會過千蓋傳

世歷年非檀君壽也

箕子

周武王克商箕子率中國人五千入朝鮮武王
因封之都平壤是為後朝鮮教民禮義田蠶織
作設八條之教相殺以當時償殺相傷以穀償
相盜者男沒入為其家奴女為
婢欲自贖者人五十萬雖免其民終不相盜無
為民俗猶羞之嫁聚無所售
門戶之閉婦人貞信不淫辟飲食以籩豆有仁
賢之化其後子孫稍驕虐燕乃攻其西滿潘漢
為界朝鮮遂弱至四十代孫否屬於秦子準立
為衛滿誘逼浮海南奔

衛滿

燕人衛滿因盧綰亂漢高祖時亡命來渡涓水

即今大江誘逐箕準據王儉城即今平壤仍號朝鮮至

孫右渠不奉漢詔武帝遣公孫遂滅之

四郡

漢武帝討右渠分其地為樂浪平壤臨屯今東曉縣

玄菟東沃沮城真蕃今咸境地雷

二府

漢昭帝以平郡玄菟郡為平州都督府臨屯樂

浪郡為東府都督府

三韓

馬韓

今全羅地

箕準避衛滿浮海居韓地金馬郡

今益

山郡號韓王其民土著知蠶桑作繇布性勇悍居

處作土屋其戶向上統國五十四後百濟王溫

祚并之

自箕子至亡一千餘年

辰韓

今慶州

秦亡人避入韓韓割東界以與之常

用馬韓人作主地宜五穀俗饒蠶桑善作縑布

乘駕牛馬男女有別行者讓路統國十二

弁韓

弁一作平壤

立國於韓地不知其始祖年代

屬於辰韓亦統十二國

韓權近曰後漢書以為卞

在西其謂卞韓在南者蓋自漢界遼東之地而

云耳非謂卞韓在辰馬二韓之南也崔致遠因而

三國

新羅始祖赫居世立

漢宣帝五年

初高墟村長蘇

伐公得大卵於蘿井林間剖有嬰兒養之歧疑

夙成六部

朝鮮遺民居東海濱或曰六部

異之共立為君

號居西干

方言也都辰韓地國號徐羅伐以朴為

姓

俗以瓠為朴所剖

立閼英

初龍見於閼英井

之以并名之

爲妃妃能內輔人謂之二聖王巡撫六

部勸督農桑不伐馬韓之喪使民敬讓樂浪來

侵見夜戶不扃服其有道引兵退東沃沮稱爲

聖人

沃沮在麗之東北連挹婁南接穢貊人性強勇今咸鏡地

遣使獻馬卞

韓以國來降

權近曰羅祖闕英之生皆怪而不常豈非海隅之地有生之衆淳朴

無知間有一爲詭說者舉皆信而神之以傳後世也

高句麗始祖朱蒙立

漢元帝建昭二年新羅始祖二十一年

先是

東扶餘王金蛙

扶餘王解夫婁老無子求嗣祭山川所御馬至鯢淵見大石相

對而淚轉石有小兒金色蛙形喜而養之名曰金蛙及長立爲太子

得河伯女柳

花于太白山南優渤水

在今寧邊府

幽于室中爲日

影所炤而娠生一卵蛙欲剖之不能母裹置暖

處有男子破殼而出骨表英偉七歲自作弓矢

發無不中名爲朱蒙

扶餘俗謂善射者爲朱蒙

蛙七子忌欲

殺之朱蒙乃與烏夷陝父摩離等行至淹淲水

無梁祝曰我天帝子河伯外甥今日逃亂追者

將及柰何於是魚鼈成橋得渡橋解追兵不及

至毛屯谷遇三賢

麻衣衲衣水藻衣

俱至卒本扶餘

今成

川府其王無子妻以女生沸流及溫祚王薨朱蒙

嗣自稱高辛之後國號高句麗因姓高時沸流

水上松壤國王以國來降封爲多勿侯

麗語復舊王爲

多勿又滅荇人國

在太白山東南卽今三陟府

及北沃沮

置溝一名

婁北接挹婁挹婁在不咸山北東濱大海多山險人多勇力土氣寒常居穴弓長四尺矢用楛青石爲鏃古之肅慎氏國也

高句麗王母柳花卒於東扶餘其王金蛙以太后禮葬之立神廟

高句麗王朱蒙薨

號東明王

太子類利立移都國內

卽今義州

又築尉那巖城

朱蒙在扶餘娶禮氏有娠朱蒙去後乃生有奇節善

彈丸誤中汲婦盆以無父被罵問于母知父所
在搜柱下得父所遺劒持往卒本見王王以所
藏斷劒合之果
驗乃立爲太子

新羅遣瓠公聘于馬韓韓王讓之瓠公對曰我
國自二聖肇興人事修天時和倉庾充實人民
敬讓辰韓卞韓樂浪倭人無不畏懷而猶謙虛
遣下臣修聘反怒劫之何耶韓王欲殺之左右
諫乃聽還瓠公本倭人初以瓠渡海來故號焉
百濟始祖溫祚立
漢鴻嘉三年新羅始祖四十年父高句麗王
朱蒙以在東扶餘時所娶禮氏女子類利爲太

子溫祚與兄沸流恐不相容南行沸流居彌鄒

忽今仁川府溫祚都河南慰禮城今稷山縣國號百濟初以

鳥干等十人從行故號十濟後以百姓樂從改百濟後徙南漢山城今廣州

又徙南平壤城今漢京以扶餘爲氏系出扶餘故云沸流

以其都水土鹹濕不能居到慰禮見宮室之盛

慚憤死

百濟患靺鞨來侵

靺鞨在不咸山北與北沃沮相接古肅慎氏國卽今野人

善寇鈔三國並被其侵

以族父乙音有智識爲右輔委兵

事及卒以解婁代之神識淵奧年過七十膂力